

يللي عالشاطي لگيتك      مگطعينك مرمي جودك  
من يروي عيالي      يا عزيزي الغالي

\* \* \* \*

الله يادهر الغدر      ما بگی عندي صبر  
والحزن طافح على اجفوني وكياني  
لا خدر ظل لا حمى      وعيلتي تشكي الضمى  
وشكتر بعدك يا ابو الغيره أعاني  
جيتك ودمعي انسجم      واسحب اذيال الألم  
واشيتكي لك شالعمل بي زماني  
وحدي ما عندي كفيل      ما بگی غير العليل  
ليت سهمك صوب اعيوني وعماني

شفتك اعلى النهر      دامي ومطروح      والله گلبي انفطر      حسرات ونوح

وضاعت كل آمالي      يا عزيزي الغالي

\* \* \* \*

يا هو يرعى محملي      ترضى ابگی بلا ولي  
لوانوى حاديننا يحدي بالضمينه  
يللي بضعوني التزم      واحنا اطفال وحرم  
ومالنا غيرك يربان السفينه  
ترضى يا حامي الخدر      نبگی في ولاية زجر  
ماتگوم من الثرى وتنغر علينا  
ترضى زينب تنسبي      وتبگی بيد الأجنبي  
من بعد صون الخدر تصبح رهينه

وانت فوگ الثرى      والدم يسيل      والشمر للسرى      عزم أيشيل

حاييرة بأطفالي      يا عزيزي الغالي

\* \* \* \*

والله ما خذني التعب وادري ميفيد العتب  
وانت عالشاطي طريح بلايا جفين  
مدري تسمع نخوتي أو تشاهد حالتي  
والسهم نابت - يحسرة - بمحجر العين  
والله بح صوتي الشجي گلي المن التجي  
تلتهب نار العبايه وسستري ليين  
ما تشم ريحة حطب لو خمد جمر الغضب  
هالحطب والنار يلهب بالصباوين

ليت يفيد العتب يا بعد الروح وضعي والله صعب گلي مجروح

عابن خويه احوالي يا عزيزي الغالي

\* \* \* \*

مرمي جودك عالثرى وهامتك متطشره  
ومن دماغك يجري دمك آه يا عباس  
شفتك وگابي انجرح والدمع سيله انسفح  
جثة مطروحه بخيول الگوم تنداس  
والله بيك محيره وحالتي منمريره  
والالام ما ينوصف يا وافي الباس  
هاللي صابك بالعمد صابني وراح الجدد  
ليت عمري ينفني وتنخمند انفس

شلون ادواي الجسد گلي شلون ونزفك بلا عدد يا نور الكون

يا ذخري وظلالي يا عزيزي الغالي

\* \* \* \*

لو تعالين مصرعك والحسين يودعك  
والله ما يوفي الدهر يوصف هلحوال  
بس وصل يم النهز طاح من فوگ المهر  
وأعلى جسمك يرتمي والدمع سيال  
شاهد الطبره وصرخ منهو الهامك فضخ  
وياهو القطع جفوفك - آه - يسردال  
هاللي صابك بالعمد صابني وكبلي انمرد  
والله من مال العلم ضاعت الآمال

إرحم بغربتي ضيعة لیتام یا عظم محنتي وكثر الآلام

ملتهب دلالي یا عزيزي الغالي

\* \* \* \*

آه يسبع الكنطرة آه يضنوة حيدرته  
وادري ما تنفع شجونني وينفع النوح  
خويه عنك راحله والمدمع سايله  
شلون اودعك كالي وأنا أنزف جروح  
ما توفني ونتي ودمك أصبح حنتي  
وكل جرح ذكرى فجيعة وتشعل الروح  
باچر يطول السفر وانت مرمي اعلى النهر  
ليت جسمي ييگی يمك خويه مطروح

خويه وين الوعد يلبجتني خاطري للوطن بس تردني

يا هو الیبری لی یا عزيزي الغالي